



Embassy of the  
United States  
—  
MADAGASCAR



**USAID**  
AVY AMIN'NY  
VAHOAKA AMERIKANA

## FANAMBARANA AN-GAZETY

### **Avoaka avy hatrany**

16 febroary 2021

Masoivohon'i Etazonia eto Madagasikara/USAID Madagascar

Lah. : +261/20-23-48000 x 2584 | [AntananarivoPress@state.gov](mailto:AntananarivoPress@state.gov)

Lah. : +261/20-23-48000 x 2730 | [brasamoel@usaid.gov](mailto:brasamoel@usaid.gov)

### **Nampahafantarin'ny USAID ny paikady vaovao ho an'ny asa fampandrosoana eto Madagasikara**

Araka ny paikady vaovao dia hampiassa vola maherin'ny 490 tapitrisa dolara ny  
fanjakana amerikana ao anatin'ny dimy taona ho avy

**ANTANANARIVO :** Nitarika famelabelaran-kevitra niarahany tamin'ny tompon'andraikirity ny Sampandrahahara Amerikana misahana ny Fampandrosoana Iraisam-pirenena (USAID) ny Mpanolotsaina Voalohan'ny Masoivivoho Amerikana, Tobias Glucksman, nanoritra teo anatrehan'ny Ministry ny Raharaha-bahiny, Dr. Liva Djacoba Tehindrazanarivelox sy ireo minisitra hafa ao amin'ny governemanta malagasy ny paikady fiaraha-miasa (CDCS) vaovao an'ny USAID mandritra ny dimy taona. Araka ity paikady CDCS vaovao ity dia mijanona ho mpiara-miombon'antoka voalohany ho an'ny fampandrosoana eto Madagasikara ny governemanta amerikana, izay mitondra famatsiam-bola mitentina 490 tapitrisa dolara ho fanampiana amin'ny fampandrosoana mandritra ny dimy taona ho avy, hanampiana ny vahoaka malagasy hanatsara ny fainany sy ny fahafaha-miatrika ary hitondra an'i Madagasikara eo amin'ny lalana mankany amin'ny fizakan-tena.

Nandritra izany famelabelaran-kevitra izany no nanaovan'ny USAID topy maso ny asa tanterahany ankehitriny, sy nanolorany ny paikady vaovao ary ireo tanjona telo izay hitondra ny asa fampandrosoana manaraka ny paikady vaovao: (i) Fanatsarana ny fahafaha-manao, (ii) fanatsarana ny tamberin'andraikirity ny fanjakana, ary (iii) fanamasifana ny fahafaha-mihary. Niarahana tamin'ny fanjakana malagasy sy ny mpisehatra hafa eo amin'ny fampandrosoana ny famolavolana ity paikady vaovao an'ny USAID ity.

Nosoritan'ny Mpanolotsaina Voalohany Glucksman mandritra ny lahateny nataony ny ny fiaraha-miasa akaiky misy eo amin'i Etazonia sy Madagasikara raha nanambara izy fa: "I Etazonia sy i Madagasikara dia toy ny 'mpirahalahy mianala; ianao tokiko, izaho tokinao' eo am-pitadiavana ny fanatsarana ny fahafaha-manao, ny fitantanana sy ny fanjakana tan-dalàna, ary ny fanomezana vahana bebe kokoa ny fihariana eo amin'ny lafiny fambolena sy tontolo iainana. Ny paikadim-pirenena vaovao dia mametraka ho laharam-pahamehana ireo tanjona iombonana ireo, ary eo am-panatanterahana izany ny USAID dia hiara-hiasa amin'ny fanjakana malagasy, ny mpiara-miombon'antoka, ny fikambanan'ny fiarahanom-pirenena, ny sehatra tsy miankina ary ianareo rehetra mba hiantohana tsy ny fahatrarana ny tanjona fotsiny ihany fa ny fihoarana izany koa."

Tamin'ny taon-dasa ny fanampiana nentin'ny USAID dia nitontaly 121,7 tapitrisa dolara, nahitana 72 tapitrisa ho an'ny asa eo amin'ny sehatry ny fahasalamana izay ny amerikana no mpamatsy vola lehibe



Embassy of the  
United States  
—  
MADAGASCAR



**USAID**  
AVY AMIN'NY  
VAHOAKA AMERIKANA

indrindra, ary 40 tapitrisa ho an'ny fahalavorariana ara-tsakafo izay ny amerikana no mitondra fanampiana ara-tsakafo lehibe indrindra any atsimo ianjadian'ny haintany hatramin'ny 2015. Ny volana desambra 2020 teo ihany koa no nanambaran'ny fanjakana amerikana fanampiana vonjimaika sy ho an'ny fampandrosoana maharitra mitentina 100 tapitrisa dolara ho an'ny atsimo sy atsimo atsinanan'ny Nosy.

# # #